

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXXXVI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

A. 1572.

PARS QUARTA

405

felicissimum, & incolumem ad nos reditum. VII. Januarii, 72. Festinanter
equidem.

Vester ex animo totus

Joh. Pappus.

LXXXV.

S Heccelium tibi probari gaudeo, & spero, utriusque nostrum expectationi re-
sponsurum esse, si Dominus ut hactenus gratiam sic vitam & incolumitatem
largitus fuerit, ego, quantum in me est, in eo exornando, quod debeo & possum,
libens officium præstabo. Nunc quod occasio tulit, non possum intermittere,
quin præsentium latoris nomine te interpellem, ut qui amicissimi conjunctissimi que
fratris & Symmistæ in Bernatum agro filius, parentis consilio, conditionem schola-
sticam aut sustentationem (quod malit) etiam tenuem ad studiorum suorum cursum
perficiendum quærit, posteaquam pater jam senex & me annis major ob fortunarum
tenuitatem suppeditare sumptus nequit necessarios. Dispexi apud nos diligenter
de occasione, quo juvare juvenem optimum possem, verum cum nulla uspiam afful-
geat, isthuc se confert, idque meo hortatu, quod & ipse in celebri vestra Academia
cupiat uberiores fructus facere, qui in tribus linguis & Poëtica fecit aliquos. Ego
propter insignem raramque patris pietatem, (qui verum nobiscum circa religionis
sinceræ capita & solidam consensionem tenet & profitetur, eoque nomine non unum
assultum sustinuit & sustinet hodie) velim filio quovis modo prospectum. Quare
te, vir reverende & clarissime frater, impensè rogo, si qua fieri potest, ut succurratur
huic. Dabo operam, ut si detur facultas, pari id compensem officio, nec deinde fa-
cile molestus esse pergam. De reliquis posthac. Bene vale. Basil. 15. Januarii,
an. 72.

T. d. totus ut semper

Sulcerus, D.

LXXXVI.

S Professionem vestram obvenisse vobis laboriosam, satis credo & hoc ipsum
conspiciebam, quod esset ea vobis in ipsa hyemis *ἀκμῆν* suscipienda. Nec pa-
rum me vel idcirco sollicitum habuit, quod metuebam, ne quid alterutrius aut utri-
usque etiam valetudini incommodi adferret, idque eo magis, quod comes vobis ad-
jun-

Eee 3

junctus tardius ad nos reverteretur. Sed optimo DEO gratiam debemus, cujus Angelus bonus vobis dux fuit & custos, ut salvi perveneritis Eslingam, ubi quod amantissime cum Parente necessitudo in Domino intercedit, & naturæ etiam bonitate pietateque humaniter accipit, quotquot Christum Servatorem verè colunt & sinceriter profitentur. Ac rectè facietis, si vos Clarissimo, doctissimoque viro pergatis approbare, limina ejus terere, quò consuetudine ejus sancta eruditaque & doctiores & meliores reddamini, utcunque communis cum illo mensæ usus nunquam quidem, quod voluissetis, non obrigerit. Quod gratias mihi agitis pro beneficiis in vos collatis, facitis pro candore pietateque vestra. Et sanè, ut verum fatear, voluntas mihi vobis commodandi non defuit: Sed quo minus eam pro eo ac voluissent declarare potuerim, obstitit sive ignavia, sive uberior facultas & occasio. Spero autem, sic rebus omnibus vestris consultum, ut pientissimis votis vestris potiamini, & paulò post fructum feratis nomini Christi gloriosum & frugiferum Ecclesiæ. Cæterum quam mea domus à vestro discessu funesta sit reddita, fortasse aliunde accepistis. Mortua enim uxoris meæ soror Barbara est, agnina, ut noſtis, innocentiz virgo. Eam secuta est mea uxor, in die Natalis Domini ex hac vita in immortalẽ celestemq; renata. Ac quantum illa mihi & senì & infirmo servo Christi, tum ⁱⁿ ^{re} ^{ignaro} sui reliquerit desiderium, facile conjicitis. Et utcunque meipsum Divinæ voluntatis providentiæq; consideratione consolor; & bonorum etiam literis & interpellationibus recreor, qui plurium eorumque optimorum ^{cupimus} ^{repta} experior, non possum tamen non mœrore luctuque affici. Interea meum in illa factum recognosco & expecto, quid de me statuat Dominus, cujus gubernationi me meaque omnia permitto. Vos autem precor, ut vestris etiam precibus me & meum ministerium juvetis assiduè, de rebus item vestris totiusque Academiæ & si quæ alia sunt vobis cognita, certiozem me reddere. Salutant vos contubernales mei omnes. Coccius item & Füglinus collegæ. Reverenter salutate meis verbis D. D. Jacobum Andreæ & reliquos Theologos. Scheckium item & Crusium. Bene valete in Christo Jesu. Scripsi Baleæ, Calendis Febr. Anno 1572.

Vester ex animo

S. Sulcerus.

Inscriptio.

Ingenio, doctrina & pietate eximius D. D. Erasmo &
 Philippo Maybachii, liberalium artium Magistris,
 & S. Theologia candidatis, amicu, fratribus unice
 dilectis.

LXXXVII.